



Халқ сўзи

Ўзбекистон —
кељаги
буюк
давлат

1991 йил 1 январдан чиқа бошлаган

WWW.XS.UZ

E-mail: Info@xs.uz

2014 йил 25 октябрь, № 207 (6137)

Шанба

ЎЗБЕКИСТОН — ТУРКМАНИСТОН:

ЎЗАРО МАНФААТЛИ ҲАМКОРЛИКНИНГ ЯНГИ БОСҚИЧИ

Аввал хабар қилинганидек, Ўзбекистон Республикаси Президенти Ислом Каримов Туркменистон Президенти Гурбангули Бердимухамедовнинг таклифига биноан 23-24 октябрь кунлари расмий ташриф билан ушбу мамлакатда бўлди.



Ташрифнинг асосий воқеалари 24 октябрь куни бўлди. Расмий кутиб олиш маросимидан кейин Президентларнинг тор доирадаги учрашуви бўлиб ўтди.

Ўзбек ва туркман халқларининг тарихи, маданияти ва қадриятлари муштарак, тил ва урф-одатлари ўхшаш. Икки халқ азалдан бир-бирининг маданиятини бойитиб, савдо-сотик қилиб келди, бир дарёдан сув ичади.

Аждодларимизнинг илмий, маданий-маънавий ва адабий мероси халқларимизнинг умумий мулкидир. Ҳеч бир муболагасиз айтиш мумкинки, Туркменистонда Алишер Навоий, Ўзбекистонда Махтумқули асарлари катта қизиқиш билан мутлола қилинади ва тадқиқ этилади.

Бугунги кунда Ўзбекистон билан Туркменистон ўртасидаги муносабатлар юксак суръатлар билан ривожланмоқда. Бунда аввало икки давлат раҳбарлари ўртасидаги яқин дўстлик, ишонч ва самимият муҳим аҳамият касб этмоқда.

Олий даражадаги учрашувларнинг мунтазамлиги давлатлараро муносабатлар юксак даражада эканидан далолатдир.

Ўзбекистон ва Туркменистон раҳбарларининг бу галги Ашхобод учрашуви олий даражадаги самарадор ва фаол мулоқотларнинг мантикий давоми бўлди.

Президентларнинг очиклик ва ишонч руҳида ўтган суҳбатиде ўзаро ҳамкорлик масалалари муҳокама қилинар экан, мамлакатларимиз манфаатлари муштараклиги, икки томонда ҳам кўп қиррали муносабатларни ҳар томонлама ривожлантириш учун хоҳиш ва ирода мавжудлиги, давлатларимиз бунинг учун улкан салоҳият ва имкониятларга эга экани таъкидланди.

Минтақавий ва халқаро аҳамиятга молик муаммолар юзасидан фикр алмашув давомида муҳокама этилган барча масалалар бўйича томонларнинг қарашлари ва ёндашувлари ўхшаш ёки яқинлиги қайд этилди.

Бу, айниқса, Афғонистон масаласига муносабатда ёрқин намоён бўлади. Ўзбекистон ва Туркменистон Афғонистоннинг яқин қўшнилари сифатида темир йўллар ва кўприклар барпо этиш, муҳим инфратузилма объектларини тиклаш,

электр энергияси ва бошқа маҳсулотлар етказиб бериш бўйича лойиҳаларни амалга ошириб, бу орқали мазкур мамлакатда тинчлик ва осойишталик ўрнатилишига салмоқли ҳисса қўшиб келмоқда.

Дунёнинг турли минтақаларида вазият шиддат билан ўзгараётган, воқеалар ривожидан олдиндан айқиб бўлмайдиغان ҳолатга келган, босқинчилик ва зўравонлик кенгайиб бораётган бугунги шароитда давлат раҳбарларининг сиёсий, иқтисодий, ижтимоий, экологик хавфсизликни таъминлаш масалаларидаги ҳамфикрлиги алоҳида аҳамият касб этади.

Ислом Каримов ва Гурбангули Бердимухамедов минтақада сув ресурсларидан фойдаланиш масалаларига алоҳида эътибор қаратдилар. Таъкидланганидек, сув-энергетика соҳасига доир масалаларни ҳал қилишда, жумладан, трансчегаравий дарёларда йирик гидроэнергетика иншоотларини барпо этишда БМТнинг тегишли конвенцияларида белгилаб берилган халқаро меъёrlарга мувофиқ иш тутиш, бундай объектларнинг лойиҳалари-

ни мустақил халқаро экспертизадан ўтказиш зарурлиги қайд этилди.

Президентлар ўзаро ҳамкорлик стратегиясини ривожлантириш, минтақавий ва халқаро аҳамиятга молик долзарб муаммолар юзасидан позиция ва қарашларни ўзаро мувофиқлаштириб бориш мақсадида олий даражадаги учрашувларни мунтазам давом эттиришга келишиб олдилар.

Кенгайтирилган таркибдаги музокарада савдо-иқтисодий ва маданий-гуманитар ҳамкорлик масалалари кўриб чиқилди.

Ўзбекистон билан Туркменистон ўртасида ўзаро товар айирбошлаш ҳажми 2013 йилда 353,9 миллион АҚШ доллари ташкил этган бўлса, жорий йилнинг январь — август ойларида 246 миллион долларга етди. Лекин, қайд этилганидек, томонларнинг имкониятлари бу рақамлардан анча юқори.

Савдо-иқтисодий, илмий-техникавий ва маданий ҳамкорлик бўйича Ўзбекистон — Туркменистон ҳукуматлараро комиссияси савдо ҳажмини ошириш, сармоявий ҳамкорликни кенгайтиришнинг янада самарали чора-

тадбирлари ва механизмларини ишлаб чиқиши мақсадга мувофиқ экани таъкидланди.

Ўзбекистон ва Туркменистоннинг иқтисодий ҳамкорлигида транспорт коммуникациялари муҳим йўналишлардан биридир. Икки мамлакатнинг автомобиль ва темир йўллари яқин интеграциялашган тизим бўлиб, нафақат Ўзбекистон ва Туркменистон, балки учинчи давлатлар учун ҳам қулай транзит мажмуи вазифасини ўтамоқда.

Мамлакатларимиз икки ва кўп томонлама асосда транспорт коммуникациялари соҳасидаги ҳамкорлики фаол ривожлантиришда. Хусусан, Президент Ислом Каримов ташаббусининг амалий ифодаси бўлган Ўзбекистон — Туркменистон — Эрон — Умон янги халқаро транспорт-коммуникация коридорини барпо этиш бўйича 2011 йили имзоланган битим муҳим геостратегик аҳамиятга эгадир.

Ушбу ғоянинг ҳаётга татбиқ этилиши Марказий Осиё давлатларини Яқин Шарқнинг иқтисодий фаол кўрғазларидаги бандаргоҳлар билан боғлаш имконини беради. Бу келгусида божхона соҳасида, автомобиль, темир йўл ва денгиз транспорти орқали юк ташвиш ва транзит қилишда қулайликлар яратилишига йўл очади.

Шунинг ҳам таъкидлаш жоизки, қўшма лойиҳалар сармоявий ҳамкорлик ривожига янги суръат бахш этади.

Экспертларнинг фикрича, лойиҳа ижроси якунига етганда, бошқа мамлакатлар ҳам ундан фойдаланишдан манфаатдорлик билдиради. Бу лойиҳанинг жозибадорлигини янада оширади. Иқтисодий алоқаларнинг устувор йўналишларидан яна бири энергетика соҳасидир.

Ўзбекистон ва Туркменистонда углеводород ресурсларининг йирик захиралари мавжуд, лекин икки мамлакат ҳам жаҳон бозорларига тўғридан-тўғри чиқиш йўлига эга эмас. Бундай шароитда ўзаро мувофиқлаштирилган ҳамкорлик яқин самара беради. Бунга муваффақиятли амалга оширилган ва мамлакатларимизга табиий газ экспорти йўналишларини диверсификация қилиш имконини берган Туркменистон — Ўзбекистон — Қозғоғистон — Хитой трансмилий газ қувури лойиҳаси яқол тасдиқ бўлади.

Музокарада қўшма корхоналар, миллий фирма ва компаниялар ваколатхоналарининг сонини кўпайтириш масалалари ҳам муҳокама қилинди. Икки

мамлакатнинг салоҳиятини намойиш этишга, тадбиркорларнинг бевосита мулоқотлари учун янги имкониятлар очишга хизмат қиладиган миллий кўрғазмаларни ташкил қилиш аъёнасини изчил давом эттиришга келишиб олинди.

Ўзбекистон билан Туркменистон ўртасида маданий-гуманитар соҳадаги ҳамкорлик изчил ривожланмоқда. Бу борада 2014 — 2016 йилларга мўлжалланган ҳамкорлик дастури доирасида икки мамлакатнинг маданият ва санъат намоёндалари Ўзбекистон ва Туркменистонда ўтказиладиган турли концертлар, фестивал ва кўриклар, кўрғазма ва форумларда фаол иштирок этмоқда.

Келишувга биноан бундан буён ҳам иккала мамлакатда ташкил этиладиган маданий тадбирлар ва спорт мусобақалари ҳақида мунтазам равишда маълумот алмашиб борилади ҳамда маданият ва санъат намоёндаларининг, спортчиларнинг фаол иштироки таъминланади. Рассомлар асарлари кўрғазмаларини, хунармандлик маҳсулотлари ярмаркаларини, мусиқа ва театр жамоаларининг ижодий сафарларини ташкил этиш давом эттирилади.

Музокарада сайёҳлик соҳасида мамлакатларимиз улкан имкониятларга эга экани таъкидланди. "Буюк Ипак йўли" сайёҳлик лойиҳаси доирасида катта бинациялашган саёҳатчи ташкил қилиш орқали бу соҳадаги алоқаларни фаоллаштиришга келишиб олинди. Бошқача айтганда, Ўзбекистонга келган сайёҳ Туркменистон, Туркменистонга келган сайёҳ Ўзбекистон орқали қайтиб кетишини йўлга қўйиш мумкин. Шу тарихи миллий авиакомпанияларнинг ҳамкорлигини кенгайтириш учун ҳам яқин замин яратилади.

Музокаралар якунида Ўзбекистон Республикаси Президенти Ислом Каримов ва Туркменистон Президенти Гурбангули Бердимухамедов Қўшма баёноти имзоладилар. Икки мамлакат ўртасида замонавий қишлоқ хўжалиги техникаси воситалари етказиб беришга, ташқи сиёсат маҳамалари ва савдо-саноат палаталари ўртасидаги муносабатларга, экология соҳасида ҳамкорликка оид ҳужжатлар имзоланди.

Оммавий ахборот воситалари вакиллари билан учрашувда Президентлар ушбу ташриф ўзаро ҳурмат, ишонч ва манфаатдорликка асосланган олий даражадаги самарали мулоқотнинг

давоми бўлганини, икки томонлама муносабатларнинг долзарб масалаларини муҳокама этиш, минтақавий ва халқаро аҳамиятга молик муаммолар юзасидан фикр алмашуш учун қулай фурсат яратганини таъкидладилар. Музокаралар очиклик, ўзаро англашув ва ҳамжихатлик руҳида ўтгани, имзоланган ҳужжатлар Ўзбекистон ва Туркменистон халқлари манфаатлари йўлидаги серкирра ва дўстона муносабатларни янада ривожлантиришга хизмат қилиши қайд этилди.

Саммитнинг асосий воқеалари нихоясига етган, давлат мукофотлари билан тақдирлаш маросими бўлди. Икки томонлама муносабатларни мустаҳкамлаш ҳамда ўзбек ва туркман халқлари ўртасидаги дўстлик ва маданий ҳамкорлик алоқаларини ривожлантириш йўлидаги буюк хизматлари учун Ўзбекистон Республикаси Президенти Ислом Каримов Туркменистоннинг Махтумқули номидаги халқаро мукофоти билан тақдирланди. Ўзбек ҳамда туркман халқлари ўртасидаги дўстлик ва яқин қўшничилик муносабатларини мустаҳкамлаш, ўзаро манфаатли ва самарали ҳамкорликни ривожлантириш борасидаги катта хизматлари учун Туркменистон Президенти Гурбангули Бердимухамедовга Ўзбекистон Республикасининг "Мустақиллик" ордени топширилди.

Куннинг иккинчи ярмида Президент Ислом Каримов "Halk hakuydasy" ("Халқ хотира-си") хотира мажмуига ташриф буюрди. Мамлакатимиз раҳбари Иккинчи жаҳон урушида ҳамда Гўктепа жангида (1880 — 1881 й.) ҳалок бўлганлар, Ашхобод зилзиласи (1948 й.) қурбонлари хотирасига ҳурмат баҳо келтириб, ёдгорлик пойига гул қўйди. Ислом Каримов ушбу воқеалар ҳақида ҳикоя қилувчи музей экспонатлари билан танишиб, Фахрий меҳмонлар китобига дастхат ёзиб қолди.

Шу билан Ўзбекистон Республикаси Президенти Ислом Каримовнинг Туркменистонга расмий ташрифи якунига етди. Ашхобод музокаралари ва эришилган келишувлар Ўзбекистон ва Туркменистон ўзаро манфаатли ҳамкорлигини ривожлантириш йўлидан собитлик билан бораётганини яна бир бор тасдиқлади.

Анвар БОБОЕВ,
ЎЗА МАХСУС МУХБИРИ.
Тошкент — Ашхобод — Тошкент
Аъло АБДУЛЛАЕВ олган сурат.

Ўзбекистон Республикаси
Президентининг
ФАРМОНИ
ТУРКМАНИСТОН ПРЕЗИДЕНТИ
ГУРБАНГУЛИ МЯЛИКГУЛИЕВИЧ
БЕРДИМУХАМЕДОВНИ
«МУСТАҚИЛЛИК» ОРДЕНИ БИЛАН
МУКОФОТЛАШ ТЎҒРИСИДА

Ўзбек ҳамда туркман халқлари ўртасидаги ҳар томонлама дўстлик ва яқин қўшничилик муносабатларини мустаҳкамлаш, Ўзбекистон Республикаси билан Туркменистон ўртасида ўзаро манфаатли ва самарали ҳамкорликни ривожлантириш борасидаги катта хизматлари, тинчликни таъминлаш ва халқаро алоқаларни кенгайтириш ишларига қўшган салмоқли ҳиссаси учун Туркменистон Президенти Гурбангули МЯЛИКГУЛИЕВИЧ Бердимухамедов «Мустақиллик» ордени билан мукофотлансин.

Ўзбекистон Республикаси
Президенти
И. КАРИМОВ

Тошкент шаҳри,
2014 йил 22 октябрь

ЎЗБЕКИСТОН ПАХТАКОРЛАРИ ВА БАРЧА МЕҲНАТКАШЛАРИГА

Азиз миришкор пахтакорлар!
Қадри дехқон ва фермерлар!
Сиз, азизларни шу кунларда ўта машаққатли, шу билан бирга, шарафли меҳнатингиз эвазига 3 миллион 400 минг тоннадан зиёд юксак пахта хирмонини бунёд этиб, шартнома мажбуриятингизни адо этганингиз билан самимий табриқлашдан, чин қалбимдан ҳурмат ва эҳтиромимни билдиришдан бахтиёрман.

Пахта ўстиришнинг ўзи ҳар қайси дехқон, фермер ва мутахассисдан нақадар мураккаб ва оғир меҳнатни, чуқур билим ва тажрибани, она еримизга меҳрини бериб, тупроқ билан тиллашиб яшашни, лўнда қилиб айтадиган бўлсак, кундалик фойдалиликни талаб қилишини бутун элимиз, халқимиз яқин билади ва бу йилги мавсумда қўлга киритган зафарларингизни юксак баҳолайди, десам, аини ҳақиқатни айтган бўламан. Халқимизда, дехқон учун осон йилнинг ўзи бўлмайди, деган теран маъноли ибора бор. Бу йилги мавсум бу

фикрни яна ва яна бир бор тасдиқлаб бермоқда. Баҳор фаслида ҳаво ҳароратининг одатдагидан нисбатан паст бўлгани, чигитнинг униб чиқиши 8-10 кунга кечиккани, айрим ҳудудларда ғўзани сел ва дўл уриб кетгани, турли касаллик ва зараркунандалар кўпайгани, ёздаги сув танқислиги, кузнинг анча эрта ва салқин келгани дехқон ва фермерларимиз учун жиддий қийинчиликлар туғдирди.

Жорий мавсумнинг мана шундай ноқулай ва мураккаб келишига қарамадан, биринчи навбатда, кўп йиллар давомида тўпланган тажриба ва замонавий агротехникани самарали қўлаганимиз, шулар қаторида ўз вақтида ғўзани "шарбат" усулида суғориб, маҳаллий ўғитнинг орттириб берилгани, олим ва мутахассисларнинг тавсия ва маслаҳатлари туфайли, қандай оғир бўлмасин, ҳосилни сақлаб қолишга эришганимиз, бир сўз билан айтганда, дехқон ва фермерларимизнинг мардлиги ва матонати, ташаббускорлиги бу

йилги ютуғимизнинг қадр-қимматини янада оширади.

Шу маънода, бугунги юксак хирмонни бунёд этишда ўзини аямасдан, жонбозлик кўрсатиб, айтиш мумкинки, қаҳрамонона меҳнат қилган фермер ва дехқонларимизга ўз номидан, бутун халқимиз номидан миннатдорчилик изҳор этиб, уларга таҳсин ва тасаннолар билдиришни ҳам қарз, ҳам фарз, деб ҳисоблайман.

Азиз дўстлар, муҳтарам юртдошлар! Ҳеч кимга сир эмас, юртимиз далаларида етиштириладиган ҳосилнинг, хусусан, пахта хом ашёсининг тақдири, биринчи навбатда, ер унумдорлигига бевосита боғлиқ. Айни вақтда дехқончиликка ҳар қайси экин майдони, ҳар қандай тупроқ унумдорлигининг ҳам чегараси борлигини унутмаслигимиз керак.

Шу боис барчамизни боқадиган она заминимизнинг келажagini ўйлаб, ерларнинг мелиоратив ҳолатини яхшилаш бўйича қабул қилган давлат дастури доирасида амалга оширган улкан

ишларимиз қишлоқ хўжалигида қандай катта бурилиш ясаганини бугун кўп-кўп мисолларда яққол кўриш мумкин. Ўтган 6 йил давомида мамлакатимиз бўйича 1 триллион 300 миллиард сўм маблағ ҳисобидан 1 миллион 750 минг гектар суғориладиган ернинг мелиоратив ҳолати яхшиланди. Фақатгина кейинги икки йилда пахтачилик бўйича ҳосилдорлик 24 центнердан 26,5 центнерга ошгани ана шундай кенг қўламли ишларимизнинг муҳим натижаси бўлди, десак, янглишмаган бўламан.

Охириги йилларда мамлакатимизда янги ғўза навларини яратиш, селекционер олимларимизни ҳар томонлама қўллаб-қувватлаш, уларнинг меҳнатини рағбатлантиришга қаратилган чоратадбирлар туфайли 100 дан ортиқ янги навлар яратилгани, уларнинг 27 таси давлат реестрига киритилиб, амалда жорий этилаётгани ушбу тармоқнинг изчил ривожланиб бораётганидан далолат беради.

(Давоми 2-бетда).

ТАЪЛИМ

Юрт равнақи, давлат тараққиётида етук мутахассисларнинг ўрни бекиёс. Шу боис истиқлолнинг дастлабки йиллариданоқ юқори малакали кадрлар тайёрлаш сифатини ошириш, олий ва ўрта махсус таълим муассасаларининг ўқув ва моддий-техник базасини мустаҳкамлаш, илгор технологияларни жорий этиш соҳада олиб борилаётган ислохотларнинг устувор йўналишига айланди.

МАЛАКАЛИ МУТАХАССИС ВА ТАРАҚҚИЁТ

Айниқса, ёшларни илму маърифатли қилиб тарбиялаш, ён-атрофда рўй бераётган воқеа-ҳодисаларга дахлдорлик туйғуси билан яшашига ўргатиш бугунги куннинг энг муҳим вазифаларидан биридир. Бердақ номидаги Қорақалпоқ давлат университетидан ҳам ана шу эзгу мақсадларга хизмат қилиш ниятида истиқлол йилларида 30 миңдан зиёд бакалавр, 2 миңга яқин магистр кадрлар тайёрланди. Айни пайтда улар халқ ҳужалигининг турли соҳаларида фаолият кўрсатмоқдалар. Шу кунларда эса қўямати 390 миллион 810 миң сўмлик фундаментал, амалий ва инновацион лойиҳалар устида ишланган олиб борилаяпти.



Натижада ўтган йиллар давомида профессор-ўқитувчиларимиз томонидан 255 номзодлик, 38 докторлик диссертацияси химоя қилинган ҳам фикримиз исботидир. Худди шунингдек, талабаларимиздан 3 нафари Ўзбекистон Республикаси Президенти давлат стипендияси, 160 нафари Навоий, Улугбек, Беруний ва Бердақ номидаги давлат стипендиялари, 2 нафари Зулфия номидаги Давлат мукофоти, 3 нафари эса "Нихол" мукофотини қўлга киритдиларки, бу бизни қувонтиради.

Талабаларнинг бўш вақтларини маъмул ўтказиш, уларнинг иқтидорини юзага чиқаришда университетимиздаги 53 та тўғарақ ва клубнинг ўрни бекиёс. Айниқса, спорт тўғарақлари ёшларимизни ўзига қўпроқ жалб этмоқда. Шунинг учун бўлса керак, йилгит-қизларимиз олий таълим муассасалари ўртасида мунтазам ўтказилаётган Универсиада спорт мусобақаларида фахрли ўринларни эгаллаб келишмоқда.

Президентимизнинг олий таълим муассасаларининг моддий-техник базасини янада мустаҳкамлашга доир қарори туфайли университетимизда ҳам ўзгаришлар кўзга ташланмоқда. Замонавий тарзда бунёд этилган бош бинадан ташқари, бешта катта ўқув биноси, ахборот-ресурс маркази, Мухтасар айтганда, истиқлол йилларида мамлакатимиз таълим тизимида ҳар томонлама етук кадрлар тайёрлаш, ёшларни юртга сadoқат руҳида тарбиялаш мақсадида барча шарт-шароит яратилди. Ётишиб чиқаётган билимли мутахассислар эса давлатимиз равнақи йўлида камарбаста бўлишлари, шубҳасиз.

М. ЖУМАНОВ, Бердақ номидаги Қорақалпоқ давлат университети ректори.

талабалар саройи, спорт комплекси, ётоқхона ва замонавий ускуналар билан жиҳозланган бошқа иморатлар шулар жумласидандир. Ҳозир эса 13 миллиард 100 миллион сўмлик маблағ йўналтирилган ҳолда, университет бинолари реконструкция қилинапти. Қолаверса, таълим сифатини оширишга алоҳида эътибор қаратилиб, ўқув жараёнига замонавий педагогик ва ахборот-коммуникация технологиялари жорий этилган. Аудио-видео техникалардан ташқари, мавжуд 450 га яқин компьютерларнинг барчаси интернетга уланган. Дарслар замонавий технологиялардан фойдаланган ҳолда олиб борилади. Олтига мультимедиа, 3 та маърузалар аудиторияси, 10 та видео-маъруза хонаси, 21 амалий мулоқот, 16 та компьютер синфи, 13 та интернет ўқув хонаси қайта жиҳозланди.

ЭЪЛОНЛАР

«KO'SHMAS MULK SAVDO XIZMATI» MCHJ Тошкент минтақавий филиали бошланғич баҳоси босқичма-босқич олиб бориш тартибидан ўтказиладиган очиқ аукцион савдосига тақлиф этади.

қабул қилинади (соат 13.00 дан 14.00 гача тушлик вақти). Аризаларни қабул қилишнинг сўнги мuddати — 2014 йил 7 ноябрь кuni соат 18.00.

«KO'SHMAS MULK SAVDO XIZMATI» MCHJ Андижон вилояти филиали бошланғич баҳоси босқичма-босқич олиб бориш тартибидан ўтказиладиган очиқ аукцион савдосига тақлиф этади.

16.00 гача қабул қилинади (соат 13.00 дан 14.00 гача тушлик вақти). Аризаларни қабул қилишнинг сўнги мuddати — 2014 йил 25 ноябрь кuni соат 18.00.

«TOSHKENT UNIVERSAL AUKTSION SAVDO» MCHJ 2014 йил 27 ноябрь кuni бошланғич баҳоси босқичма-босқич олиб бориш тартибидан очиқ аукцион савдоларини ўтказилади.

«UNIVERSAL AUKTSION INVEST» MCHJ бошланғич баҳоси босқичма-босқич олиб бориш тартибидан ўтказиладиган очиқ аукцион савдоларига тақлиф этади. 2014 йил 25 ноябрь кuni соат 11.00 да ўтказиладиган очиқ аукцион савдосига Тошкент шаҳар, Яшнобод тумани, 5-сонли Давлат нотариал идорасининг 2014 йил 9 ва 15 октябрдаги ижро хатларига асосан, ундирувга қаратилган қўйидаги заргарлик буюмлари (қимматбаҳо металл ва тошлардан ясалган занжир, узук, биллагузук, зирак ва бошқалар) «BARDOSH-BIZNES» MCHJ томонидан аукцион савдоларига қўйилмоқда:

«CAPITAL REALTOR GROUP» MCHJ очиқ аукцион савдоларига тақлиф этади. «Capital Realtor Group» MCHJ Фарғона филиалида 2014 йил 28 ноябрь кuni соат 14.00 да бошланғич баҳоси босқичма-босқич олиб бориш тартибидан ўтказиладиган очиқ аукцион савдосига қўйидаги кўчмас мулклар такрир қўйилмоқда:

WWW.XS.UZ ИнчЕОН шахрида бўлиб ўтаётган ПараОсиё ўйинлари яқунланди. Унда спортчиларимиз 22 та олтун, 5 та кумуш, 4 та бронза — жами 31 медаль жамғариб, умумжамоа ҳисобида бешинчи ўринни эгаллашди.

Халқ сўзи Народное слово Бош муҳаррир Ўткир РАҲМАТОВ 2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 1067. 75 792 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоси келишилган нарҳда.